



Republika e Kosovës
Republika Kosova – Republic of Kosovo

Komuna e Prishtinës
Opština Priština – Municipality of Prishtina



DREJTORIA KOMUNALE E ARSIMIT (DKA)

PROCEDURA E PËRZGJEDHJES SË MËSIMDHËNËSVE DHE PERSONELIT TJETËR PROFESIONAL

NË INSTITUCIONET EDUKATIVO-ARSIMORE DHE AFTËSUESE (IEAA)

Përzgjedhja e kandidatëve do të bëhet në përputhje me Ligjet që e rregullojnë fushën e arsimit parauniversitar (Ligji Nr. 02/L-52, Ligji Nr. 03/L-068, Ligji Nr. 04/L-32 dhe Ligji Nr. 04/L-138) dhe në përputhje me Udhëzimet Administrative përkatëse (UA Nr. 17/2009 dhe UA Nr. 20/2013). Kandidatët e pakualifikuar sipas këtyre ligjeve dhe UA nuk do të merren në shqyrtim.

Hapat:

Hapet konkursi publik me të gjitha sqarimet e nevojshme për kandidatët e interesuar.

Me rastin e marrjes së aplikacionit, që merret në komunë – Qendra për Shërbime me Qytetarë, kandidatët mund të marrin edhe dokumentin ku përshkruhet procedura e përzgjedhjes dhe dokumentin ku përshkruhen kriteret e paraseleksionimit.

Gjatë kohës sa është i hapur konkursi pranohen të gjitha aplikacionet e kandidatëve.

Pas përfundimit të kohës së aplikimit DKA cakton komisionin vlerësues-intervistues.

Të gjitha aplikacionet e kandidatëve, përkatësisht të dhënat e tyre futen në databazën elektronike.

Nga të gjithë kandidatët, përzgjidhen 3 kandidatë të kualifikuar për intervistim sipas kriterëve të paraseleksionimit përmes databazës (bazuar në kualifikimet formale adekuate, përvojën e punës relevante në arsim, trajnimet e përfunduara relevante të akredituara nga MASHT dhe notën mesatare gjatë studimeve).

Nëse i njëjti person aplikon në më shumë se një pozitë/institucion, atëherë për secilën pozitë/institucion duhet të dorëzohet aplikacionin e veçantë të kompletuar. Por, nëse kandidati i plotëson kushtet për t'u ftuar në intervistë, mund të ftohet në intervistë vetëm në një institucion, përkatësisht vetëm për një pozitë.

Totali i pikëve të mundshme gjatë paraseleksionimit është 40 pikë.

Me rastin e përzgjedhjes së 3 kandidatëve për intervistim, përveç anëtarëve të komisionit vlerësues-intervistues (dy përfaqësues të DKA-së dhe drejtorët e IEAA përkatëse) ftohen për të monitoruar procesin edhe përfaqësuesit e shoqërisë civile, të cilët informohen nga DKA.

Rezultatet e paraseleksionimit, përkatësisht databaza elektronike bëhet publike në DKA, në mënyrë që të gjithë të interesuarit të mund ta shohin se kush dhe si janë përzgjedhur 3 kandidatët për intervistim.

Pas përzgjedhjes së 3 kandidatëve për intervistim komisioni vlerësues-intervistues përgatitë planin dhe formularët e intervistimit, duke shënuar në formularin përkatës (që do të përdoret edhe për intervistim) pikët e paraseleksionimit të secilit kandidat që do të intervistohet.

Pastaj kontaktohen kandidatët e përzgjedhur për intervistim dhe informohen për ditën, datën, kohën dhe vendin e intervistimit.

Me rastin e intervistimit, përveç komisionit vlerësues-intervistues, i cili përbëhet nga 2 përfaqësues të DKA-së dhe nga drejtori i institucionit përkatës, ftohen për pjesëmarrje në cilësinë e vëzhguesve edhe përfaqësuesit e Këshillit Drejtues të shkollës, të Këshillit të Prindërve të shkollës, të Këshillit të Nxënësve të shkollës (për shkollat e mesme) dhe përfaqësues të organizatave të shoqërisë civile që merren me çështjet e arsimit dhe të transparencës së institucioneve publike.

DKA i informon përfaqësuesit e organizatave të shoqërisë civile, ndërsa drejtori i IEAA përkatës i informon palët tjera të sipër-përmendura.

Intervistimi i kandidatëve bëhet në ambientet IEAA përkatës ku kandidatët kanë aplikuar dhe ku janë përzgjedhur për t'u intervistuar.

Të gjithë kandidatët që ftohen për intervistë, duhet të marrin me vete të gjitha dokumentet origjinale që janë kërkuar me konkurs (të cilat me rastin e aplikimit i kanë dorëzuar kopje).

Totali i pikëve të mundshme gjatë intervistimit është 50 pikë.

Intervista me secilin kandidat duhet të zgjasë 10-20 minuta dhe vlerësimi-pikëzimi i tyre bëhet bazuar në udhëzuesin për intervistim.

Secili anëtar i komisionit vlerësues-intervistues e bën vlerësimin-pikëzimin për secilin kandidat në mënyrë të pavarur, sipas formularit të intervistimit dhe sipas udhëzimeve për intervistim.

Pas vlerësimit-pikëzimit të pavarur të anëtarëve të komisionit vlerësues-intervistues për secilin kandidat, anëtarët e komisionit mund të diskutojnë rreth performancës së kandidatëve gjatë intervistës.

Pas diskutimit, secili anëtar i komisionit vlerësues-intervistues i rishikon (nëse ka nevojë) dhe i plotëson formularët për secilin kandidat dhe i nënshkruan formularët.

Pas vlerësimit-pikëzimit të pavarur të anëtarëve të komisionit vlerësues-intervistues për secilin kandidat, plotësohet formulari i përbashkët, ku për secilin kandidat mbledhen pikët nga të gjithë anëtarët e komisionit vlerësues-intervistues. Formulari nënshkruhet nga 3 anëtarët e komisionit.

Pas mbledhjes së pikëve nga të gjithë anëtarët e komisionit vlerësues-intervistues për secilin kandidat, plotësohet formulari përfundimtar, në të cilin bëhet rangimi i 3 kandidatëve sipas totalit të pikëve të marra, duke përfshirë pikët e paraseleksionimit dhe pikët e intervistimit. Kandidati që ka marrë më së shumti pikë (përfshirë pikët e paraseleksionimit dhe pikët e intervistimit) propozohet për t'u përzgjedhur. Në rast të pikëve të barabarta në mes të kandidatëve, atëherë vendoset sipas pikëve dhe kriterëve të paraseleksionimit. Formulari nënshkruhet nga 3 anëtarët e Komisionit.

Propozim-vendimi për përzgjedhjen e kandidatit për t'u punësuar merret pas përfundimit të intervistimit të 3 kandidatëve dhe plotësimit e nënshkrimit të të gjithë formularëve, dhe i gjithë procesi ndodh me prezencën e të gjitha palëve të sipër-përmendura, që ftohen në cilësinë e vëzhguesve.

Të gjithë formularët origjinalë merren në DKA, ndërsa nga një kopje e mban drejtori i shkollës.

Propozim-vendimi i Komisionit bëhet i plotfuqishëm në momentin e miratimit dhe nënshkrimit të kontratës nga Drejtori i DKA-së. Drejtori i DKA-së e miraton Propozim-vendimin e Komisionit gjithmonë, përveç rasteve kur ka dyshime të bazuara se ka pasur parregullsi gjatë procesit të vlerësimit-intervistimit.

Kandidati i përzgjedhur njoftohet nga drejtori i shkollës dhe informohet për kushtet e kontratës dhe datën e fillimit të punës.

Kandidatët e pakënaqur me vendimin e komisionit vlerësues-intervistues dhe të DKA-së mund të ushtrojnë ankesë në Inspektoratin e Arsimit.

Me respekt,

Jusuf Thaçi
Drejtor i DKA-së
Komuna e Prishtinës